



MUZIKA KAO ALAT ZA USVAJANJE JEZIKA

U želji da Sekciju engleskog jezika u JU OŠ "Safvet - beg Bašagić" Gradačac, učinim zanimljivijom, fokusirao sam se na popularnu kulturu, počevši s obradom pjesme "Yellow Submarine" The Beatlesa.



Kada sam 2023 dobio angžman u JU OŠ "Safvet - beg Bašagić" u Gradačcu (obzirom da sam u mjesnoj Gimnaziji izgubio fondaciju časova), dobio sam zadatak da od vannastavnih aktivnosti vodim Sekciju engleskog jezika. Razmišljajući kako da sekciju učinim što zanimljivijom odlučio sam da probam sa onim što jezik koji predajem u osnovi i jeste - jezik popularne kulture. Dakle, prvi čas Sekcije je bio posvećen pjesmi The Beatlesa "Yellow Submarine". Obzirom da pjesma ima prilično jednostavan tekst, učenicima se svidjela. Pjesmu smo obradili na klasičan način - objasnio sam im nepoznate riječi i učenici su je slušali i popunjavali tekst (gap filling).

Obećao sam im da ću naredni čas donijeti gitaru na sekciju i da probamo to zajedno pjevati i svirati. Učenicima se ideja svidjela. Od tada, pored Yellow Submarine, obradili smo još dvije pjesme The Beatlesa: Love Me Do, Obladi Oblada i jednu pjesmu grupe U2 (I Still Haven't Found What I am Looking For).

Zašto smatram da je ovakav pristup dobar?

Povećava motivaciju i interes: Popularna muzika je nešto s čime se učenici mogu lako povezati i u čemu uživaju.

Kontekstualizacija jezika: Pjesme pružaju prirodan i zanimljiv kontekst za učenje novih riječi i fraza.

Razvijanje vještina slušanja: Aktivno slušanje pjesama i popunjavanje praznina u tekstu (gap filling) odlična je vježba za razvijanje vještina slušanja i razumijevanja govornog engleskog jezika.

Poboljšanje izgovora: Pjevanje pjesama pomaže učenicima da se upoznaju s ritmom, intonacijom i pravilnim izgovorom engleskih riječi.

Upoznavanje s kulturom: Kroz pjesme The Beatlesa i U2-a, učenici se upoznaju s važnim dijelom anglofone popularne kulture i historije muzike.

Stvaranje pozitivnog iskustva učenja: Učenje kroz muziku je interaktivno i zabavno, što stvara pozitivne asocijacije s učenjem engleskog jezika.

Razvijanje timskog rada i saradnje: Zajedničko pjevanje i sviranje potiče timski rad, saradnju i osjećaj zajedništva među učenicima.

Prilagođavanje različitim stilovima učenja: Vizualni (tekst pjesme), auditivni (slušanje muzike) i kinestetički (pjevanje).

Naravno, učenicima je bilo atraktivno i da se predstavimo na školskim priredbama, te imamo učešće na: par novogodišnjih, priredbi povodom prijema prvačića i priredbi povodom dana škole. Učenici su i osmislili naziv za našu grup, te su rekli da ćemo se zvati The Beatle Kids :)

Tags

Pučavanje

Collections

Učenje jezika

Objava

Inspiriraj druge

Učenje otkrivanjem